

Ordinaziun per parcar digl cumegn da Cunter

relascheda a fundamaint dall'ordinaziun digl cunsegl grond
pertutgont la lescha da traffic stradala (GAV z. SVG)

Art. 1 Parcadis publics

Per parcadis publics valan:

- Parcadi Igl Sulom (dasper igl magasign da pumpiers)
- Parcadi Sot Baselgia (sot igl plaz da vischnanca)
- Parcadi La Vischnanchetta
- Parcadi Canzleia communal
- Parcadi Scola
- Parcadi Stabilimaint dalla protecziun civila
- Parcadi Gravas (zona d'industrieia)

Igl parcar perlung las veias communalas e sen taragn privat è scumando a fundamaint dalla publicaziun digls 5 da november 1993 aint igl figl uffizial digl cantun Grischun.

Art. 2

Igls parcadis dasper la tgesa communal e scola èn reservos per la canzleia communal e la scola scu er per igls scolasts. Els pon neir duvros angal perchel scopo.

Art. 3

Ad abitants, possessours da tgesas da vacanzas e giasts ègl lubia, da parcar vehichels a motor a curt taimp e gratuitamaintg sen igls parcadis communal public. A curt taimp vot deir; betg duple tgi treis deis an terma da 2 emdas.

Sot chella ordinaziun crodan er giasts digl de da menaschis da restauraziun, lis da loschamaint ed affitaders privats. An chel cass ò igl patrung u affitader da menaschis da restauraziun, da lis da loschamaint ed affitaders privats la pussebladad da paer la taxa da parcar per igls parcadis tg'el dovra tenor art. 5.

Art. 4

Igl è scumando da deponer camiuns, tgars annexs, maschinas ed urdegns agricols e forestals, rulottas scu er vehichels betg immatriculatos sen taragn public e sen igls parcadis communal public.

Art. 5

Abitants, possessours da tgesas da vacanzas, fittadigns da tgesas da vacanzas, patrungs u affitaders da menaschis e giasts pon piglier a tschains en parcadi public. La lubientscha da parcar sen parcadis publics pò neir retratga dalla canzleia communal. Ella cozza mintgamai 6 meis ed è da paer ordavant. Las taxas montan a 100.00 fr per igl semester da stad (zarcladour-november) e 250.00 fr per igl semester d'anviern (december-matg). La lubientscha na lubescha betg ena preteisa per en parcadi stabel. Ella permetta sulettamaintg agl proprietari digl vehichel da parcar igl sies vehichel sen egn digls plazs libers.

Art. 6

Sa basond agl art. 3 pon abitants, possessours da tgesas da vacanzas, fittadigns da tgesas da vacanzas, patrungs u affitaders da menaschis e giasts piglier a tschains en parcadi public. La lubientscha da parcar sen parcadis publics pò neir retratga dalla canzleia communal. La dirada minimala dalla lubientscha cozza en meis e la taxa da parcar è da paer ordavant. La taxa meinsila monta 20.00 fr per igl semester da stad (zarcladour-november) e 50.00 fr per igl semester d'anviern (december-matg). La lubientscha na lubescha betg ena preteisa per en parcadi stabel. Ella permetta sulettamaintg igl proprietari digl vehichel da parcar igl sies vehichel sen egn digls plazs libers.

Art. 7

Per vehichels enumeros sot art. 4 pò la suprastanza communal lubeir en'exceptiun an cass urgents per ena taxa da 10.00 fr an de u 50.00 fr per meis. Lubientschas ston neir procuradas ordavant alla canzleia communal.

Art. 8

Per cass da grondas navadas e rumagedas prevediblas ston igls vehichels neir dislocos anfignen la dumang allas 10.00 h. Igl access alla deponia da dismessa Igl Sulom stò esser liber an mintga cass.

Art. 9

Cuntravenziuns a chest'ordinaziun vignan puneidas cun en castei da 50.00 fr anfignen 1'000.00 fr. L'execuziun surstat alla suprastanza communal.

Art. 10

Chell'ordinaziun vo an vigour cun l'approbaziun antras la radunanza communal igl 1. da december 2001.

Relaschea dalla radunanza communal iGI 01.12.2001

Igl mastral:

Igl canzlist:

 (Filip Dosch, mastral)

 (Andreas Simeon, canzlist)